

具呈日照縣紳耆等為懇祀鄉賢以敦士風而崇

實學事竊有鄉先賢許印林先生

諱

瀚沂州府

日照縣廩生道光乙酉科拔貢生考授 武英殿

校錄議叙州同知乙未科順天舉人太批二等選授

滕縣訓導嗣署任齊東為人德固自脩品端學粹

事父肅齋先生尤能以克繼家學為孝養撫諸

弟以友愛卹親族以仁慈勵學則雅尚師承任事

則克修職守受知於高郵王文簡道州何文安蕭

山湯文端具有淵源掌教於濟寧之漢山沂州之

鄒鄒日照之奎峰群資敦學訓誥守漢儒師法

有搜殘補缺之功言行符宋代心傳無叩寂蹈虛
之弊鉤稽攷據古今文甄釋靡遺證義諧聲大
小徐研求必確不獨一鄉之耆宿實為 昭代之
通儒因思褒德錄賢為當今之盛典式閭表墓樹
已往之風聲今印林先生德重比閭名高齊魯雖共
遵軌範而莫報馨香使春秋之興缺而不修實庠
序之心歎然未盡伏念 老師大人栽培士節敦

厲人倫允屬風化之攸關無不褒揚之立沛況茲巍
然人望卓爾經師允宜享蘋藻於東邦續箕裘於南
閩庶幾前賢同俎豈詠惟桑其梓之心恭末學得隸

梁知後海先河之有本用是捃摭事實臚列繫庠
取冀扶名節於庶萬寓激揚於簡牘請先將許印林
先生應入鄉賢事由移文 縣主申詳府院俾祀典不
致久虛而士林得深觀感實為德便

依奉結得日照縣已故訓導許東船純厚植品端方

孝弟無間人言姻睦同稱里黨膠庠東鐸實孚身教

于士林詩禮傳家允數通儒于當代

移文擬稿

為懇賜申詳以成盛典事據具呈紳耆

等呈稱伏

念日照縣故宦滕縣訓導許係道光乙酉拔貢乙未舉

人至德可師鴻才是法幼依歸父人比之漢代康成長即

名師必傳為程門和靖始校于鸞掖魯與亥豕

定其為繼東鐸于鱣堂化雨春風涵其澤著書供群

推大手之蘇說經雖共仰長頭之賈固金湯以捍桑梓

則韻語曾刊傾縉布以助孤寒則旅囊屢罄詢以碑

之無異實髦譽之僉同允宜侑俎立于宮牆庶可樹典

型于島嶼于年月日呈請前來本學覆查無異

合為呈請轉詳須至移者

看得已故滕縣訓導許海岱英靈瑯琊香質以實學

而為實行本純考而作純儒美橋梓者擬之句歌咏棠

棣者才諸元季拔赤幟而各分貢樹聯步蟾宮校青緇而

光耀然藜書窺螭陞鄭虔之絕技化肅簾堂

秉新安之學規風追鹿洞早歲而經能入室湖紳法於司

農晚年而學益專門振家風於祭酒比許冲之繼述是以

有學庸總義說詩循序之刊任揚雲之校讐是以有說

文義證漢碑錄文之刻惜轉注之晦幕隨成舉例之篇

闢等韻之多疎乃彙群經之部碑刻之有闕史籍不

厭詳求鼎彝而出於山川必經攷釋蟲魚草木都成箋雅

之篇誌傳碑銘志論傳文餘事詢典型之足法宜泐之
屬論

追崇所請合從風聲用樹

一、故訓導許瀚字元翰一字印林號培西籍山東沂州府
日照縣先世居江南海州東海鄉明初遷贛榆縣興莊場
繼遷日照居城東南園越大世徙居河陽村曾祖重行太
學生祖贊郡庠生父致和歲貢生鄉飲大賓著有學庸
總義說詩循義序故訓導已刊行。

一、故訓導縣學廩膳生應乙酉選拔考充 武英殿校

錄議叙州同知乙未科北闈鄉試中式五十六名舉人丙申覆
試一等辛亥任滕縣訓導壬子告終養戊午署齊東訓
導丁卯六月二十七日疾終於籍年七十有一

一、故訓導事親先意承志老而彌篤家本寒素設館訓

徒力供甘旨雖舟車南北遠隔千里而奉養無缺主講濟寧
渙山書院越二歲以父年老辭歸濟人固留因月課以游必
有方至父母之年命題以歸就本郡瑯琊書院以便省視雖
束脩僅及渙山之半而無毫髮顧後在袁浦校刊說文義
證聞父病信急歸調養越歲父病愈而目失明乃將書局
移青口鎮雖有諸弟服事亦必細心檢點平定張石川穆
月齋文集載故訓導父八十歲壽序比之於閻潛邱之事
閻牛叟而境有倍難者無溢其也父終年八十四歲殯葬
盡哀盡禮遠適殯式

一故訓導八歲失恃事繼母能得歡心有第四人繼母

卒時皆幼弱故訓導夫婦同心撫養畊讀兼課皆使成立訓導胞叔家產中落故訓導曲體親意迎養叔母送終後更養叔兄又爲遺子置家室以存後嗣雖公田產不惜爲一生孝友皆竭誠於萬難措置中至今鄉里稱之

一故訓導父常述范文正公言必待富而後濟人則終無濟人之日矣故導善承親訓每遇親故有急必百計圖維以濟之父在父沒始終無改館海豐時有親故往時故訓導初得風痺正恹醫藥乃盡支脩脯與之猶恐不贍復罄篋中餘金悉付以去自用之有無不計也其門人吳重熹親見向邑人言之

一故訓導師友滿源夙啟風誼早受知於高郵王文簡公

葉山陽文端公即以經學相期許道州何文安公拔貢成均

後一時所交知名士如漢陽葉東卿表說縣俞理初正燠

甘泉江孟慈嘉猷河間苗仙露慶鏞晉江陳頌南平定張石

洲穆朱高伯平均什山陽丁松唐晏道州何子貞紹基河

子毅紹業諸城李方赤璋煜安邱王篆友簡海豐吳子苾式恭

和津李公朋佐賢淮縣陳壽卿公祺諸先生俱為金石至契

吳子苾先生歿後其孤以攬古錄金石彙目公編遺稿聘為校

刊宣末期年而故訓導病隨輿稿歸里病中猶力疾校訂繼

而屢遭兵火轉涉流離家中素富藏書盡為灰燼惟吳氏遺

書雖倉卒中必攜以自隨卒能完全送返其不輕諾類如此

一故訓導任事實心必期盡職孝充武英殿校錄時高郵

王文簡公為總裁故訓導得文簡公師法訓誥謹嚴校讐致

密文簡公所著經傳釋詞亦使參閱嗣任滕縣訓導又署齊

東獎進士類誦教以實行必以經義相啟發一東蕭山協揆

高郵道州兩尚書之教春秋高祭必敬必誠嘗主濟寧漢山琅琊

金峰各書院皆以古學相切磨庚子秋榜雋者七人悉出書院

于君如川且得榜首癸卯雋者亦皆出門下孫松坪閣學

如錦於癸丑得大魁至今宦京師者如王引之中翰允善

諸人猶多當時院中肄業者也其州牧徐公宗幹亦先賢

訪儒裔設詞立奉祀公纂州志其藝文志人稱其與漢志
隋志競美後徐公移守他省猶寄書謂不得經帥如先生
者病居時上憲知其望重一鄉特命起為練董乃權宜地勢
籌畫時事親編四言韻文勸同鄉鼓其忠義自以為偏
廢不能親自登陴為恨歿後莫不痛惜

一故訓導學問涵博素履坦白先後從何文安公陳石士

先生用光吳甄甫先生文鑑吳子忠先生式恭各學政幕

中裒閱試讀皆精心去取一時有冰鑑之目所至歷覽
勝迹采問風俗與同事諸人更迭倡和著之篇章用示

褒勸

一故訓導幼承家訓篤好許鄭之書於經學小學貫串

賅洽疏通證明尤精鑒金石文字深研蒼雅以羽翼經學

小學更邃於韻學自吳氏陳氏顧氏戴氏以下無論十餘

家悉取刺糾正而折衷于段懋堂玉裁王懷祖念孫兩先生

海內經師無不雅重之山陽丁松唐壽故訓導序云先生小

左純儒壽登七十學宗漢許其行誼誠懋粹然與新安同符

一故訓導才本穎悟尤能自力於學舟車南北必以書史自

隨書酬應夜誦讀數十年不少懈雖老病猶力疾攬披覽

海內諸儒凡有著作多往就正如海豐吳氏之攜古錄金

石彙目分編安邱王氏之說文句讀說文釋例等書俱

與高確其一斑也

一故訓導博雅好古所蓄金石文字富埒歐趙四體書皆有本原真行學顏魯公溫柔敦厚古氣滂敷求書者紙素紛集故訓導心鄭重酬答恒取格言以寓規勸鄒縣孟廟石刻多故訓導正書總督時齋楊公墓碑亦故訓導正書餘刻不能悉

一故訓導著述既富校勘尤精聊城楊端勤公聘校刊曲阜

桂氏

馥

說文義證五十卷錫數年之力至爲精審今鄂省書

局刻者即祖此本又校刊真臺馬氏

邦玉

漢碑錄文四卷潘

雲閣河帥

錫恩

聘隋史籍考所著有攀古小廬遺集金石